

橫雲山人集

橫雲山人集卷之四

雲間王鴻緒儼齋撰

山暉集

懷周子山中

雲林吾愛機山好載酒春停江上船
樹裏鏡浮三泖白窗中天豁九峰懸
仙溪別後空畱夢叢桂詩成有幾篇
遙想子真棲谷口翠巖修竹亂鳴蟬

其二

君家山閣壓層巒六月紅蕖面碧湍
丹壁火雲常作電翠濤松壑自生寒
龐公老覺幽居慣阮籍愁

隨濁酒寬襟散百年空侘傺滄浪爾我有漁竿

聽兄話登岱之勝因賦

宇內名山首岱宗羨兄雙屐踏芙蓉夜觀蓬海翻
紅日曉對天門瀉玉龍篋裏白雲猶漢檢巖前蒼
幹自秦封卧遊曾入宗生夢歌枕驚殘隔寺鐘

送姚鍊師還山

鸞鶴飄然下紫冥羨師丹轉駕雲輶曩螢十斛空
乾死願引仙壇寫道經

閨思

美人下粧閣含笑摘芳蘭忽覩春光晚無言珠淚

聲

古別曲

庭花半已殘白露秋欲結俯仰月明中何處無離別

五君詠

陳黃門

子龍

給事天人姿藻采何挺拔響發必金聲弩末可穿札遭亂登諫垣頗爲奸黨軋不作褚淵生傷哉鸞翮鍛

夏考功

允彞

考功本儒者雅負經濟才屢傾嗟一木沈淵乃自
裁哲兄泮林秀蹈義何雍哉更痛無完卵千秋賦
大哀

張少保

肯堂

少保始入臺諫草已謬謬及秉八閩節將驕主愈
弱度勢不可爲全家泛大壑髣髴厓山事忠魂並
寥廓

李舍人

待問

舍人工染翰下筆迴有神一官猶未達頓際世運
屯王師數萬至濺血東城闐亦知倒戈是未敢

遺君親

徐孝廉

孚遠

孝廉司寇裔相國傳簪纓聲華振蘭綺蔚然三代
英風塵粹瀕洞萬里航蓬瀛埋生鯁島中長逝無
還情

雜詩

斜漢宵低戶明星淨如滴庭烏號霜枝銀釭燦秋
壁君子遠行役深閨守孤寂雖有忘憂草憂至何
能摘寒魚知夜沉秋蟲知夜織微物遂所樂人世
翻感感白日難西升引領罕良覲

其二

旭日動殘夜團圞啓暘谷纔照滄海東倏下西山
麓義馭不少留夸父何能逐秋穽難綴條春華詎
重馥人生貴與賤譬彼雲過目顧瞻石上松勁榦
凌霜綠學道秉其真堅剛以自勗

飲鷹垂齋同禹服徠遠景馭德遠長文叔祖
有六弟維士岩士

賤子苦拘束躑躅寡行樂賴爾同素心邀余堂中
酌檠燭膩銅盤葡萄泛羽爵探鈎競往還主客恣
酬酢霜清萬井鐘風度高城柝銀河拂檻邊星斗

參簷角俱是意氣士耳熱雄談作且盡良宵歡莫
遽悲瓠落

寄董少楹

愛爾高臥余山邊青松白石流春泉昨夜銀花捲
地去晴峰帶雪窗中懸我欲一泛訪戴船春申風
浪拍遠天篙師縮漿不敢渡山行空憶謝臨川

戰船行

國初海島藏殘賊鯨鯢自恃洪濤力千軍萬騎飛
不得詔造戰艦掃南極戰艦乘風須礮砮具
鳩工走丞倅斧斤鋒盡并鐵銷松柏斬竭吳山元

弩窗矛穴百尺齊女牆霧帆如城闕擊刺安知陸
海寬凌波欲振鼃鼃窟更有篙師畫殊像青雀黃
龍屹相向漁舟烟暝蹴槳來仰看樓櫓疑天上可
憐樓櫓倚天高將軍擊楫懼風濤十年不習昆池
戰却少戈船下瀨勞只今天子矢文德田橫客
散烟塵息州縣傳呼析作薪工料重科千倍直可
堪雨雪朽江頭寧教酣戰滄洲沒昨日傳聞里正
來艨艟更造濟川材不知墨吏緣何指忍使流遺
中澤哀

寄贈顧茂倫

今代風騷主登壇復幾人虎頭才卓犖龍腹望嶙峋
爽節蓮擎嶽文瀾劍躍津百城閒自擁一賦賣甘貧
門暗先生柳風高有道巾山從琴際響鳥向掌中親
不作東吳尉長垂北海綸烟霞真獨往月旦更殊倫
水鏡南陽澈斤風郢匠神搜羅珠集網陶鑄汞成銀
妙句傳巖穴名篇動搢紳選樓千載重藝苑此時新
余也吟何癖悲哉氣未伸客迷三徑竹書滿半牀塵
賞識誰雌霓蹉跎豈席珍漫勞裁敝帚容易許陽春
交合投詩日聲騰作序辰欲酬知己意赤鯉放江濱

柴門

懶散江湖興柴門處士家
琴書消午夢園圃課年華
掛榼宜松下看雲就水涯
游鱗晴觸荇嬌鳥墮爭花
時斲巖間笋頻烹雨後茶
身閑忘曆日林密任欹斜
自笑幽棲慣尋遊五嶽賒

江南樂

家住長千里日買長干酒
壚頭看數錢花拆櫻桃口

其二

雲鬢簇花鈿笙簫泛畫船
唱歌徐蕩槳搖曳綠楊

烟

其三

灼灼西施顏
纖纖湘妃襪
試向秦淮遊
相看映秋月

採蓮曲

香動採蓮船
水濯採蓮手
含笑問蓮花
得似儂顏否

田家

偶步東江曲
來憩西山麓
西山高入雲
黛色瞰平陸
平陸一以眺
萬頃秋禾熟
縱橫陌與阡
實穎含

馥郁非藉腴勞何以慶比屋藹藹水邊村依依
原上木溪童弄短簫田父驅閒犢不須扣角歌詎
異子真谷井稅早輸官餘者爲私蓄役車可自休
奚必丹其轂願棲十畝間晝耕夜且讀

登崑山謁二陸祠

二陸西遊洛雲間始著聲地靈人是俊山秀玉爲
名文藻留遺蹟登臨得曉晴禪房瞻拜罷白恰念
平生

其二

山陰紫曲磴傑閣倚雲屏三泖窗中白羣峰樹杪

青花光迷遠嶼帆影入烟汀莫負幽棲意灘邊鶴
可聽

訪橫雲李氏廢園

夙昔誇金谷今餘山下村到公空有石中散已無
園亂竹環蹊密危峰插漢尊若論興廢感不減聽
清猿

其二

纍纍青山下荒涼陸氏墳炎劉傳古器典午辨遺

文

山中多古墓相傳晉陸氏所葬至正間土人發
冢得古磚上鑿晉太元二年又得古銅獅乃漢

器也

馬戀千年室牛耕萬古雲不知雙鳳隕曾返此

江濱

小赤壁

數仞驚天鑿巍然迴拂雲此邦誇赤壁何處遇曹
軍風月荆吳合江山大小分坡仙如過訪孤鶴正
堪聞

其二

山自橫雲勝東連石壁奇峻嶒疑劍削蒼碧似天
歌岸斷舟堪繫江清月倍宜鱸魚原此地斗酒更
何辭

機山

名山傳內史丘壑久荒烟曲徑無從入繁花空自
然河橋悲黑憶谷口剩紅泉千載遺文在猶堪琬
琰鐫

其二

機山旁有周釜山先生園亭

僕射園亭好平原傍古村湖光環數頃峰翠正當
門不斷清泉響時聞黃鳥言春和來訪勝興極倒
芳罇

千山

俗名天馬山

天馬來西極飛騰冠九峰踞鞍皆梵刹環鬣盡雲
松右矚湖光白南瞻海嶠重楮鞭揮不起長此隱

吳淞

其二 楊鐵崖墓

山半名賢墓春深草自菲
蘇碑無處覓野雉忽驚
飛擣藻傳青簡還山喜
白衣一生橫鐵笛祇覺和
歌稀

細林山

僊館神囂迴層巒上碧空
霓裳三泖月笙鶴十洲
風雲洞花常滿丹泉井自通
山有雲洞丹井餐霞應有法
何處覓彭翁
明初彭素翁得道於此

其二

贈諸一峰

辭家成獨隱高蹈迴誰倫嗜酒嵇中散遊仙郭景純
堂舍千竹翠山覆百花春亦有棲真志欣逢鶴背人

佘山

陳徵君繼儒隱處

地自東佘舊名因處士廬谿流南垞入聲改松影北
窗虛人物追時盛山川屬亂餘不知遺藁內可有
茂陵書

其二

一徑西佘僻蒼然萬竹深雲生猶染翠日午尚含
陰古殿憑高嶂閒房轉曲岑同行有支許從此滌

塵襟

遊徐文在西余山莊

相國流風遠名園有辟疆
半山花作徑百級月迎廊
檻外峰爭秀堦前水暗香
知君厭朝市高枕到羲皇

其二

文靖今無第青山尚一區
攜家堪共隱到處欲名愚
雲吐重重綺風搖樹樹珠
幽居應已足堂燕任平蕪

與鷹垂

六年兩上書還向北山居恨余足幾別悲爾鬢先
疎巖黑藏饑鳳潭寒老巨魚半生飛動意屈折任
居諸

青溪道中

春日青溪棹山光紫翠重長橋垂遠岬一水夾雙
峰澗曲帆隨轉村深花自濃武陵如可覓吾欲問
遺蹤

暮春同維士北行與表叔吳非蒙叔祖有六
叔印周景曾靖公弟巖士別時雷雨

迢遞燕山道春城五兩開氣蒸山壓雨江黑水奔

雷話久移征棹途分悵別杯鯢鵬或可化感動一徘徊

玉峰道中感懷

縣擁蒼山落照開數層樓殿翠微隈
增凌絕壁穿雲立帆轉孤城隔樹來
題柱應誇司馬筆上書誰擅洛陽才
昨宵還繞高堂夢倚杖期登郭隗臺

泊閭門

津亭夜泊檣燈齊孤鴻欲落寒鴉棲
江水搖城城影動銀河抱樹明星低
齷齪風塵牛馬走離心漫折閭門柳
五更蘭漿又孤征毘陵道上空回首

黃家營

不盡沙霾野摧顏
萬里風灘喧河溜
赤鴉亂夕陽
紅土銼居人滿
茅檐過客同
征鞍明日上
蹇兀正何窮

過劉馬莊

驛道仍趨北
山形漸向東
戍懸防寇鼓
門掛射狼弓
麥飯沙偏雜
瓷甕酒易空
凌霜五十里
過此日方中

古寺

古寺層岡迥
殘碑驛道旁
檐欹巢鶴鶴
檻廢入牛羊

羊溜雨山神黑霾沙嶺日黃經過凝客眼立馬意
蒼蒼

僕夫

澗擁寒沙白侵流馬銓齊曉雲橫樹斷晴日抱峰
低彈走驚弓鹿檐飛咤客雞僕夫誇捷足險磴有
攀躋

疲驢

細石殘巖道鳴驢餓向人山寒冰作雨風勁野衝
塵涕淚交朋隔關河僮僕親據鞍憂墮地珍重異
鄉身

宿紅花鋪

刁斗嚴更戍蕭條斷客行雲吞青嶂溼月射白沙
明險道愁烽火征車得弟兄崎嶇入洛者底事爲
浮名

過郟城

春秋郟子國埤垵尚孤城白日關常閉黃塵客少
行地連殘戍濶天豁亂山晴千里燕臺隔猶餘半
月程

宿李家莊

近入青齊路人烟此地稠客誇金腰裏倡索錦纏

頭棗樹籠岡密星河傍店流獨憐孤枕夜殘角起
鄉愁

土室

土室涼風落棲遑僮僕稀衝雲烽夜舉犯月雁孤
飛書劒悲殘匣乾坤剩短衣征車何躑躅之恐壯
心違

曉行

驛路盤青壁騎驢踏曉雲星隨千戍落日出萬山
分征袖頻驚破邊音詎慣聞乾坤作客者無乃類
從軍

沂州道中

又發琅琊道青山到眼多嵐光晴旭動嶺翠曉雲
和見雁愁中度看碑馬上過已嗟筋力盡客子意
如何

宿伴城

獨夜茅簷宿孤燈慘客顏昔輕關塞別今識道途
艱哀角吟荒戍寒星雜亂山故園兄弟在應爲想
刀環

古阪

蹇驢兀兀行道澀平頭奴子負書笈白日陰沙慘

不開黃蒿古阪頽雲立十人五人忽相失四顧蒼
茫憂思集茅簷有叟問前途瞪目無言掉臂入我
生何爲趨路旁安穩滄江是簑笠

遇雨

白雨千峰落崎嶇石逕難書霑油幕溼風動毳衣
寒投宿村猶遠兼程午未餐腐儒天地內辛苦是
征鞍

雨阻青馱寺望嶽

泰嶽雨聲懸中天掛瀑泉雲迷三觀日峰暗五松
烟我欲恣游屐誰同倚絕巔登臨嗟未遂茅店獨

愁眠

野店

野店山岡上雲中掛酒帘歇鞍當日落倒甕喜杯
添馬怒時喧櫪雞栖欲上檐異鄉晴未久泥淖客
心淹

蒙陰

蒙陰原舊邑午飯逗行裝小店嘶官馬居人傍女
牆絲抽山繭細茶點石衣涼更欲投何處浮雲古
道長

酌同維士

晚對磬山酌蒼然酒一杯危峰晴照裏古殿暮雲隈
麋鹿穿林去牛羊隔徑迴賞心還得句擊鉢爾同催

同維士登崇善人玉皇閣

魯甸晴開萬里天巔屹山勢碧欄前浮雲忽起青
峰斷落日高銜絕嶂懸亂後數家依戰壘望中百
道掛飛泉自知游嶽漸禽向愁倚風塵古道邊

其二

高臺西望抱徂徠右擁磬山積翠來不盡峰巒朝
雨後無邊亭障夕烟開孤村砧響先秋動獨客鄉

心見雁哀劇有閒愁堪作賦只今誰嗣仲宣才

其三

此地羊公存故里我來憑弔一高歌碑臨獨樹陰
偏少風起晴沙晚更多雲嶺萬重連渤海巖流千
折下沂河關山往蹟添愁眼鞍馬馳驅意若何

遊碧霞行宮

在泰安州城南

巖城南聳碧霞宮玉宇丹題嶽頂同白鹿晝迎松
柏路石壇春響珮環風四山飛瀑來天外三觀歸
雲入殿中暫憩不隨車馬散欲聽仙樂下晴空

岱嶽

層霄嶽頂矗雲濃帝座崔巍翠萬重殿閃日華翻
海嶼天低星漢濯芙蓉飭壇碑碣秦時篆溜雨虬
龍仗外松聖代豐功光玉冊六飛早晚見東封
將至張夏口號

路轉村烟近原頭薄暮看山紅日足斷沙白馬蹄
乾倦客思高枕饑僮急晚餐已詣行道險明旦出
層巒

過景州城

漢代條侯地名傳細柳營千年消舊壘百堞峙孤
城鳥向空壕落雲含曉塢晴徘徊還弔古獨客且

長征

獻縣

客久馳驅慣凌晨獻縣過黃雲連鉅鹿紅日散
滹沱地勢迎關壯山形入冀多無邊臨眺意俯仰一
高歌

河間

關門迎日啓曙井帶烟多壁壘雄三輔蛟龍變九
河南連無棣濶北控范陽過欲識前賢蹟蕭蕭白
草何

翫月同諸子飲研山先生宅

御苑鐘聲落燕山片月流光搖銀闕迴影度玉河
秋對酒狂呼慣論心靜夜畱明朝封事好知減廟
堂憂

奉贈侍御施研山先生

海內真推濟世才十年冰節重西臺霜清開隴花
驄出日近天街赤棒來愛客每開王儉府論文嘗
接孔融杯黑頭公輔勲名早佇看星辰列上台

飲大宗伯龔芝麓先生齋

文章海內識君宗禮樂虞廷寵命重客滿平津揮
玉麈筵開幕府散芙蓉雲窗綠映臨城柳花檻青

浮抱闕峰幸許譏才叅末座便期門下變魚龍

上大宗伯敬哉先生

碩望東山等謝公家庭繼業大司空兩朝爵秩三
臺貴累世勲庸八座同開閣每邀珠履客聽松閒
卧石窗風自慚羣從烏衣末踪跡青袍尚轉蓬

上學士田遜庵先生

天祿名登第一流銀魚朝佩入龍樓風飄漏刻銅
壺轉日暖香烟桂殿浮每譯封章清禁晚時裁綸
誥紫宸畱鳳凰池上神仙客可念窮途阮籍愁

秋夜同劭六方回鷹垂赤城屈遠受周兄后

張欽研山先生齋

銀河斜掛禁城頭，烏府開筵對素秋。
琥珀杯涼庭露落，葡萄架湧月華流。
風飄三殿傳鐘漏，匣合雙龍動斗牛。
最是感恩同國士，明珠空抱幾時投。

題黃大宗溪柳向山圖

有序

蓋聞泉流石上，曾傳摩詰之詩；柳畔風來，亦入子山之賦。况玉鏡含輝，波借影娥而並濶；金堤拂露，帶分青瑣以俱長。恍登彭澤之廬，如對梁園之沼。我友系本，次公襟清叔度少。夢生花之筆，譽擅江東；長裁枯樹之篇，聲雄

冀北追隨名父不殊謝氏芝蘭締結良朋何
啻陳庭羔雁乃習靜初秋寤歌一室軒連翠
渚常生濠濮之思窗矚青峰恍挹蓬瀛之勝
巖岫參差而向日榷桐翳鬱以含烟書幌高
褰每對西山朝爽珠簾暇敞時看北闕晴雲
何昇晏相之居似闢蔣生之徑走賦一言聊
疏短引既非潘岳文江必入鄭公苦海竊自
慙焉何以告之

西山橫翠壓窗明水榭風來枕簟清碧沼晚秋
塞月綠楊朝度上林鶯何妨文筆追司馬更喜琴

橫雲山人集卷之四
樽擬步兵愧我作歌同下里羣公偏幸有逢迎

橫雲山人集卷之四

橫雲山人集卷之五

山暉集

飲程周量寓齋

粵嶠推才子英華一代雄
曲江曾獨步清禁幾人同
鶴影桐軒下杯香月露中高吟和彌寡
似浣花翁

其二

屋後西山繞靄然
秋雨餘坐來空翠滿
話到晚涼初
孫綽金聲賦羊欣
白練書知君能好事雅尚古

人如

飲沈繹堂先生寓齋

早受中郎賞春風尚後時
阮途空返轍潘鬢欲成絲
寂莫通門舊艱難國士知
牀頭書萬卷暇日許同披

其二

八詠樓頭月光華滿碧虛
每迎珠履客兼枉席門車
招飲名花下分題夜漏餘
龍蛇看染翰一一右軍書

西苑

攬轡瞻皇居樓殿雲中敞綠楊蔭玉河紅日懸金
掌玲瓏鳴鳳騫螭浮梁上雕牆抱青峰芙蕖蹴
畫槳良辰協聖心傳呼肅仙仗侍從執金吾劍
珮迎風響無媒覲龍顏天門徒一仰中懷以鬱
陶物色正駘蕩自昔相如賦遐哉凌雲賞

同友人飲李書雲先生宅

碧梧青瑣晚凝烟滿座賓朋敞玳筵金縷按歌人
坐月銅盤燒燭夜如年安期文物光三世左相風
流吸百川豈學甕旁空取醉不聞絲竹只耽眠

其二

小榼重開坐夜闌禁城鐘漏不知殘繞軒翠竹吟
風細隔岸銀鐙映水寒未有文章酬客難聊憑箏
笛洗儒酸自慚魯國稱年少便向龍門躍錦湍

醉歌行示赤城諸子

青烟濛濛宮月出當軒幔捲銀河入晴光四座瀉
琉璃賓客滿堂衣不濕大笑傾金壘直須一百回
對此常鬱鬱空使形神頽未折范睢脇休悲安國
灰天地推移尚消歇百年富貴何爲哉君不見登
壇推轂無雙士楚滅弓藏竟誰是帶礪盟言墨未
乾女子相給鐘室裏又不見蕭生爲郎小苑東碌

碌抱關輸仲翁一時聲名重賢傳朱游和藥埋丹
忠雕盤綺食列我前沽酒幸有青銅錢一身不受
當世責醉倒即就花底眠其樂乃勝蓬萊仙君如
不飲真徒然

客舍口占

燕地初秋換葛衣飄零木葉御街稀我已自知羈
客久那堪塞雁又南飛壯志風塵休結束一樽且
試傾醺醺城上雲連北闕黃窗中雨過西山綠幸
有交朋異索居不憂彈鋏出無車賈生十八何爲
者願上明時痛哭書

同朱品方洪居遠顧受周欽梁公呂宅

美君雀翎插帽長呼鷹走馬天子傍昔請宿衛授
此職貴軼漢世羽林郎生平不識毛錐苦手開霹
靂追黃鵠出常參乘趨平樂晚或扶鑾入未央上
直番休怕召客珠燈蠟鳳輝蘭堂蘭堂夜擊柝枝
鼓白題競學軍中舞雪面輕靴蜀錦衫葡萄雙帶
朱絲組傀儡盤旋骨節輕蓮花腰貼氍毹吐更有
嬌童雲鬢妝當筵唱出開元譜魂銷二八鄭櫻桃
宛轉歌珠作鸚鵡此時坐客傾數石忘却金吾還
禁夕阮籍填膺塊欲消陳遵投轄情偏劇三更大

醉始出門一片燕山涼月白

周禹筏拉飲長安酒肆

揮鞭相值青樓前笙簫沸耳張綺筵周郎勸我一
駐馬腰下金環壓酒錢燕姬手拂同心扇柳作雙
眉花作面一曲鶯喉出塞聲能使傍人贈珠釧舞
罷嬌催鸚鵡杯相傾醉倒日西回臨行笑指銀瓶
滿明日聽歌來不來

飲宋雨公寓因作醉歌行贈之

獨坐愁雲繁跨馬到君軒君軒迴合金屏春四座
却擁如花人花姿本是青樓女靜婉生成掌上身

衣衫不學漢結束錦袖輕靴紅簇簇
蟬厭作時世妝綠雲笄首垂明璫
玲瓏十指調銀簧見客吳語轉清狂
玳瑁筵開蠟鳳光歌呼大斗傾糟牀
主人意態何昂藏豈令金錯愁空囊
直須痛飲東方明莫嫌銅漏聲丁丁
王郎與爾忘死生況有二八艷色能
傾城不爾解君鏤玉盤龍之雙帶脫
我鸚鵡紫綺之輕裘夜半重沽酒再
上城南樓美人按拍歌涼州醉看銀
漢聲西流一洗胸中萬斛愁

同侍御施研山先生兄后張飲給諫李書雲
先生園亭

綺席邀蘭署驕驄出柏臺歡娛河朔會教洽竹林
杯鳥戲丹堦鱗魚跳碧荇開遠山明過雨密樹隱
輕雷掃徑花開落銜泥燕去來玉盤深映檻冰簟
坐侵苔霜入彤墀草風高白鳳才交情欣孔李詞
藻媿鄒枚旨酒安辭醉相期帶月回

秋夜同諸子飲侍御徐山琢先生宅

御苑更籌晚開樽夜月臨庭烏窺燭起臺柏聚烟
深花靄珠簾影風搖玉砌陰治河三策備諫獵九
重欽天矯埋輪節崢嶸捧日心久鑄彝鼎字還賞
爨桐音退食邀歡讌高談壓古今

同周子鷹垂送曹達夫還浙

每過梵院論心久相送當壚沽美酒燕女歌飄玉
笛花驂騶嘶出金門柳羨君才氣何雄豪學士家
聲有鳳毛文彩堦前看獨舉東山堪卧白雲高天
竺樹紅鴛水碧高堂到日承顏色倘話京華把臂
交周王二子常相得

送徐繡虎南還

看君匹馬來送君匹馬去秋風吹斷柳更到青門
處盧溝橋下桑乾水潺湲曉渡情何已回首燕雲
望故人關圍巒嶂千層紫嗟余踪跡尚京華隨君

惟有夢還家遙知玉盞銀絲鱠醉倒籬邊黃菊花

薊北

薊北風霜苦蕭條客未歸笳聲亂鄉思朔氣薄征
衣城迴星旗直沙乾月兔肥乾坤酣戰罷輦轂上
書稀按劍虹常發鳴秋雁自飛故園雲日外宵夢
落漁磯

宛平大司空招飲恭賦

烏衣門巷滿朱輪座隔屏風劒佩新晨迓帝廷蒼
水使暮親子舍廁牖人每教鈴下邀珠履不惜花
前污錦茵旦晚待公弘變理庭枝交借上林春

其二

鄴侯新建未央宮
曳履朝朝侍禁中
曾預鼎湖憑几命
再襄斧扆受朝功
庭前桃李延名士
座上詩歌采國風
海寓只今叨雨露
知公丹悃格蒼穹

其三

八柱傳家瑞靄濃
金華退食自從容
庭生日下無雙樹
窗占城西第一峰
蓬島有禽皆翹鳳
瑤箋無句不雕龍
儼施綺席容深酌
久坐花陰到夕春

其四

明季氛祲暗玉墀
鵷鷺難寄上林枝
衣冠贈策燕

山道風雨聞雞谷水湄共見畱侯籌漢日誰知曲
逆刺船時從來宰相紗籠護自有神人默保持大司
空暨尊人宗伯公曾避亂至吳中有武帥先一夕
夢見大貴人至詰旦相遇乃致敬而去萊陽宋荔
裳云

飲舍人錢葆勣寓齋

數載燕吳悵各居紫薇花下造君廬秋風驟裏金
臺駿春月觚棱鳳閣書湘瑟清吟應不減江花新
藻更何如竹林向結安豐伴此日相逢有麴車

其二

少小同遊俠客場興來撾鼓動漁陽不知劍有成

龍去止覺人無擊筑旁鳳采君能驚李嶠牛衣余
豈泣王章傳杯直到參橫後更喚嬌童典鵲鷄

其三

晶簾小閣晚霏微璧月團團映素暉軟語不知銀
燭跋清觴何用玉人圍連城有價投誰是傾國無
媒計已非回首風流誇六代夕陽今日感烏衣

其四

漫道人間上下牀空嗟客子鬪身強塞鴻書滯雲
中響鄰笛聲飄月下涼入座簪裾還舊雨登樓風
物總他鄉年來頗有相如渴好爲金莖貰玉漿

其五

王翰詞場舊結鄰
堂開笙雅不禁春
幽蘭香接城南路
紅豆歌傳月裏人
刻燭吟成珠錯落
探鈎著處酒逡巡
風流一覺樊川夢
惆悵金蠶隔兩塵

笙雅

舍人
堂名

其六

郭隗金臺異昔時
敝裘燕市類羈雌
碎琴都市緣何事
挾瑟侯門安所之
笑我自堪東谷隱
對君不作北山移
男兒車笠風塵內
世態無須冷暖知

秋日雜感

秋來席帽滯神京到處偏增弔古情
遼后妝樓香草歇世宗齋殿野烟生
銅駝幾見荆榛滿金馬新開日月明
賈誼本無亡國恨漫栽三論惜秦嬴

其二

甲第巍峩滿目新天涯書劍爲誰親
欲尋易水悲歌士來對長沙痛哭人
白璧暗投應則卞黑貂雖敝豈同秦
儒生安得排闥闔高足先須據要津

其三

自昔燕昭市駿臺千年無主漫蒿萊
浪遊白日堂堂去空對黃沙袞袞來
壯志欲酬金已盡鄉書未

寄雁先哀明朝那得糟丘伴且向樓頭醉幾回

其四

碣石風光逼素秋參差烟柳落金溝邊笳自語沙
場恨鄰笛能傳旅客愁阮籍窮途空返轍仲宣懷
土但登樓書生縱負匡時略漫把勲名話黑頭

遊大慈仁寺

傑閣梅林聳碧空丹梯百尺倚晴風北園紉塞千
峰峻南繞渾河匹練雄漠漠荒郊飛野馬蕭蕭寒
影度征鴻金遼霸業今何在多少興亡夕照中

其二

梵宇雕甍繞玉欄蒼松夭矯作龍盤相傳歲月經
元代獨任風霜閱歲寒白鶴自應棲石室翠華何
用覓秦官閒來箕踞惟吟嘯不覺鐘聲向晚殘

其三

綠樹陰陰覆院牆閒凭石几晚風涼庭因有月呼
三友客爲無家喜上方羯鼓每醒長夜夢松風不
帶軟紅香名場十載空奔走願乞金鑰刮眼光

其四

孝肅微時存母弟半生瓢笠寄空王宮中夜覺伽
藍夢世上重新慧日光

太后夢見伽藍殿乃覓得其弟繡蟒銀魚

開講座香厨玉粒賜皇莊即今國破雙林在田竇

朱門只夕陽

憲廟時爲周太后弟吉祥建大慈仁寺居之賜莊田數百頃事具名山藏

故鄉

每念故鄉事忽遇故鄉友緘書未及開試問家安否

送友人

浩浩桑乾水津亭祖征蓋路轉不見君馬行白雲外

送友人遊白下

已是客懷亂况當折柳頻去畱渾寂莫南北共風

塵草惹征袍綠花含別淚顰不知桃葉渡還有晉
時人

送友入秦

送子函關去山河百二重秦陵惟野燒漢寢賸秋
蜚銅馬今方息丸泥豈用封經過如吏問孺棄莫
從容

山寺

山庭寂無人皓月散林影栖鳥知露涼清鐘覺夜
永到此羣籟息翛然萬慮屏明朝攜孤筇更上雲
中嶺

燕京雜詠

燕京五月好風光
芍藥盈筐滿市香
試解杖頭分數朶
宣窰綈插硯池旁

其二

慈仁寺裏海榴紅
却與江南色相同
移向小庭閒佇立
絳唇微語曲欄風

其三

易酒當壚斗十千
南人下馬口流涎
儘教李白思吞海
况有燕姬誇數錢

其四

皇姑寺外行人忙皇姑寺裏秋花香下馬看花者
誰子金彈雕弓七寶裝

其五

燕趙嬌姿墮馬妝五花馱出萬人狂不知紫塞明
妃去可用垂肩三兩璫

其六

憫忠古刹讀唐碑將士征遼實可悲縱有番僧施
梵咒沙塲那得髑髏知

其七

金魚池畔豔陽時夾岸人家颺酒旗何處香車來

女伴銀箏低唱白翎詞

元時有白翎雀詞

其八

中頂元君舊有名家家士女競春晴
鈿車金駸花間去芳草隨輪似有情

其九

慈仁每月初兼五松下朱欄列百厘
亦有公卿來問直試評程尉幾文錢

其十

底事京塵動客吟故園佳景憶登臨
無風無雨春三月攜酒攜琴花一林

其十一

官廠玲瓏百物奇
琢成冰玉競春嬉
豪家買得琉璃扇
珍重風前付雪兒

其十二

吳儂只慣憶尊鱸
豈曉甘珍滿帝都
入饌遠魚飛白雪
盈尊羔酒滴紅酥

燕京弔古

牙冠金襖舞天魔
往事興亡可若何
只道宮中耽秘戲
豈教元主惜山河

其二

信國燕京四載囚小樓何事苦淹留黃冠歸去圖
興復弑市忠魂竟未酬

其三

薦牘三推謝疊山孤臣誓死赴燕關憫忠寺裏蒼
苔碣猶記當年灑淚斑

其四

前朝累代遺璫禍事到熹宗不忍聞烈士黃沙埋
碧血寺人朱邸入青雲

其五

莘莘國子盛威容首善奎光耀辟雍代歷金元留

勝蹟宣王獵鼓許衡松

其六

郊廟規模屬禮官我來遺制問黃冠
齋宮盡是前朝樹不改青青護碧壇

其七

鎮撫相傳慘毒聞詞連宦寺更深文
聖朝詔獄刑俱廢園土融成五色雲

其八

瀛洲池館玉河東斜對龍樓映日紅
試問乘槎何處是支機遙在碧虛中

其九

廉圃當年萬柳斜名姬柳下撥琵琶欲尋往蹟知

何處無賴長堤撲柳花

廉野雲於都城外建萬柳堂一日邀趙松雪盧疎齋

飲酒出歌姬劉名解語花者歌驟雨打新荷之曲

其十

總攝妖僧到浙東盡將金盃入禪宮於今元寢渾無主也在寒烟白露中

其十一

城北逶迤接土垣蕭蕭戰壘暮雲繁書生膽氣橫千古匹馬來看古薊門

其十二

明興宿衛五軍雄末造何人典禁戎銅馬西來摧
虎旅一時風雨變沙蟲

其十三

燕京謾道設重關烽火摧頽頃刻間遺恨渡江無
五馬不歸鍾阜向煤山

其十四

白塔差峩映水湄妝樓廢盡碧山歎宮花不省更
時代依舊春開太液池

其十五

莊烈君臣事可哀
白頭宮監說平臺
不爭疆索爭鈎黨
銅馬原從金虎來

其十六

七校虛編市販兒
赤眉青犢若風馳
由秦入晉雄關破
烽火長安尚不知

其十七

符璽何甘輒道邊
蟾光義馭盡沈淵
鼎湖當日攀髯痛
有幾臣僚哭向天

其十八

玉盃人間劇可憐
橋山未卜更淒然
桐棺三寸歸

黃土萬古魂歸泣杜鵑

其十九

明亡原不爲蛾眉盜弄潢池國步移燕女那知興
廢事銀箏彈入永和詞

其二十

鳳曆潛銷十七春朝堂厝火臥然薪黑山一起黃
塵滿空有新亭涕淚人

其二十一

宮闕咸陽一炬塵賊營纍係盡朝紳宰衡原是清
談客夜半牆陰送此身

其二十二

文淵閣下萬籤書宋刻元鐫世莫如兵燹一衝奎
壁府縹緗殘破劫灰餘

其二十三

禁垣夜闢小南城鳳闕華鐘徹禁鳴憑几景皇驚
問候鼎湖升馭可分明

其二十四

高元殿裏奉三清紫禁榮光太乙明一自永陵春
草閉碧虛何處聽吹笙

其二十五

西苑焚修太乙祠
瑤箋宰相寫青詞
生來漢帝仙才少
空戴香冠事祝釐

其二十六

太液池東小甕城
承光圓殿拂雲平
殿前古栢何年物
傳是金源直到明

其二十七

洛鼎當年定北平
每勞天子御戎兵
受降不築黃河北
百萬金錢拓外城

其二十八

首善鄒馮講學初
葉公作記董公書
穹碑黨禍遭

槌碎三案相尋社稷墟

其二十九

西山圍合白雲層極目郊圻感廢興
天壽玉衣消王氣無邊風雨十三陵

其三十

黃華坊裏教坊司小隊銀箏舞柘枝
自閱亂離惟馬矢斷垣衰草不勝悲

有感

欲期熊館賦長楊對景沈淪暗自傷
乳燕三春迷去住賓鴻萬里識炎涼
平生懷古悲生涕著處吟

詩喜帶狂枕上三更聞畫角有無歸夢到家鄉

飲何藁音先生古藤書屋

龍門百尺渺難登喜到高齋對古藤少長題詩紅
葉共高低點筆石欄凭敬通跌宕因文史北海風
流在友朋更喜柏臺增氣象邇來霜簡劇威棱

飲民部黃蘭岩先生寓齋

憑高池館午風清卜晝欣逢綺席明檻外碧潭看
洗馬窗前深柳聽啼鶯徵歌不覺人忘暑籌國何
妨酒細傾數載軍糈無仰屋久知劉晏正持衡

贈葉國博蒼巖

射策匡衡重談經翼奉尊古來崇教胄今日盛橋
門學自先生解文成太史言瘦羊分割後招客共
清樽

其二

二十蟾宮侶春風白玉姿昔裁揚子賦今擅蔡邕
碑署冷鱸常落庭閒鳥自知便便書滿腹不用苦
長飢

橫雲山人集卷之五

橫雲山人集卷之六

雲間王鴻緒儼齋撰

山暉集

雜感七首

倚柱拔劍肝膽露壯志激昂夜起舞白楊蕭颯霜
風寒關塞青熒月東吐我生棄繻學終軍憔悴依
人竟何補嗚呼得失變化須臾間不用爲鼠用爲
虎

其二

渾河九月北風利沙軟草乾雲拂地誰家結隊出

長楸牽犬擎鷹數百騎儒生短衣遇道傍箭作鴉
聲畏而避嗚呼拍張得志封公侯上書季子遭時
棄

其三

我僕痛矣慘無色旅夜孤燈魂惻惻愧我來遊名
不成關山枉爾馳驅力強將濁酒慰窮途舉眼風
塵淚霑臆嗚呼丈夫豈合長數奇雲雨蛟龍有時
得

其四

南來威鳳棲崆峒和鳴嶰谷諧黃鐘飄零中道失

羽翼向人啄食罹雕籠眩視驚憂不自保舊侶錯
莫哀其窮嗚呼梧桐竹實竟何有鴝鵒枳棘欺秋
風

其五

我兄我兄在南國十年三獻荆山玉努力秋風祖
逖鞭舌存我類張儀辱昨夜離愁繞夢魂江潭依
舊窮途哭嗚呼一息不知況異鄉朔月邊雲斷鴻
鵠

其六

少年失志刺促居人後碌碌風塵苦奔走有犬空

裁吳地書無錢沽盡長安酒五陵同學騰青雲馬
上相逢但揮手嗚呼男兒抑塞磊落非婦人干將
匣裏蛟龍吼

其七

我家歇浦之南松溪曲小圃低牆繞花竹八窗洞
開倚而笑海上千峰翠如沐閒看少婦織機中時
逐樵童下山麓今我作客走他鄉悵望南雲亂心
目嗚呼隻身萬里將奚爲歸種江田抱黃犢

侍御施研山先生齋話別

弱冠挾書劒匹馬長安來燕昭已蔓草零落黃金

臺 聖朝禮樂恢皇王北施龍燭東扶桑公孤六
卿守文法布衣不得排天闥脫輓奮舌復何道遊
子慨然懷故鄉到時御苑榴花赤今見西山落葉
黃世人嗤我享敝帚惟有先生於我厚客館夜眠
徐穉榻金樽日飲平原酒退朝花下索新篇每向
鵝行不容口駑駘孤負九方歎明日分離實愴神
潞河一片征帆去愁殺秋風起白蘋

別秦方回姚赤城兄后張

西山秋寒雲稠風沙市野白日愁故人相送不忍
別邀我再加上燕姬摩笛之酒樓回憶初來時結交

長安陌賓朋照乘珠文采連城壁縱橫詞壇上數
子真莫逆祇期同獻匡時策九秋鍛却扶搖翮當
歌且盡觴誰能叫天闔薦才乏狗監與援無金張
不蜚不鳴總莫問一去一住空徬徨君不見待詔
公車高第客舉轡連鑣何赫奕豈仗西園崔烈錢
幾陳北闕劉蕡策古來世事原如此笑殺腐儒徒
爾爾君擊鼓我起舞六合茫茫向何許安能貧賤
常羈旅散髮扁舟且歸去

與兄后張話別

木落燕山下悲秋我二人出門無可語失路更誰

親冀北空彈鋏江東憶釣輪側身天地內白日共
沈淪

其二

我去嗟無偶兄畱倍憶家歸心隨旅雁客淚對秋
花五字吟何益三年夢復賒相應焚筆硯沮溺事
生涯

其三

長安居不易歸去隱田園郭泰無危論莊生有寓
言逃名三徑竹避地一家村何日諧同志牆東得
弟昆

其四

汗漫非兄好緣無負郭田未能棲谷口且復滯幽
燕童僕憐孤影妻孥悵各天相看兩寂寞回首計
茫然

九日方回赤城屆遠受周諸子過別

九日黃花節燕山白露天河梁一揮手奠酒是離
筵子返青門騎吾乘笠澤船他時吟麗句莫惜鯉
魚傳

后張兄送至高碑店

自我來京國朱明迄素秋今朝歸故里短褐上孤

舟惆悵若爲別，慙懃話道周。
當爐沽一盞，那得破離愁。

天津夜泊憶都門諸子

津亭霜冷沈寥天，古戍孤帆夜泊船。
波勢晚吞滄海濶，月輪秋湧潞河圓。
乾坤牢落同垂淚，身世飄零愧問年。
莫酒別離驚昨日，相思人隔薊門烟。

舟行

數日扁舟裏，歸帆信北風。
喜無行路梗，暫覺客愁空。
兩岬吟楓葉，長天叫塞鴻。
柁樓時一望，雲樹渺何窮。

篷窗

冀北天儲重江東轉粟長金隄千曲水白舫萬重
檣春日行俱塞秋風去不妨篷窗閒嘯詠沙草自
微茫

解纜

榜歌常不歇篷隙月猶懸孤客自深夜同行何處
船倦鷗眠野水柔櫓破溪烟歸夢時時續郵程度
幾川

被放後同周子鷹垂南歸舟中即事

淩落風塵返故鄉飄然書劍共歸航孤帆夜月家

千里遠浦秋聲雁一行湖海未除頻結客關津欲
度幾迴腸數奇莫漫悲猿臂鎖院誰知古戰場

其二

蜿蜒

亦作去聲

河堤百丈牽篷窗閒對沈寥天霜凋柳

色黃無賴日射楓林紅欲然弄笛踞牀誰好事向
村沽酒只愁眠當今出鎮無仁祖米舫袁宏未覺
賢

德州

畿甸分侯服巖城第一州燕齊當阨塞水陸是咽喉
東據方山險西環衛水流經過已日暮旅泊且

淹留

官舫

客子孤篷倚白蘋
忽逢官舫到河濱
遙聽歌曲嬌無比
隔著青簾不見人

與周子

脉脉河渠曲行行
客舫遲夷吾
三北後宋玉
九秋時已是不
得志况兼搖落
悲相看無可語
篷底強裁詩

遇友人北上

扁舟載秋光
百川何瀾瀾
停橈聞吳音
得毋巷居

子披衣起相訪見面果然是驚喜問家中一一可
安只荅言君高堂強飯嗜甘旨我行因迫切未遑
作書紙屬我寄一言勸君早還里功名身外事暫
失良足喜三年日月長正合窮經史我聞嚴親言
淚下不可止尚友古聖賢發憤從此始我今歸瑄
湖君且向燕市歸時語君家無恙秋風裏

舟次臨清數日堤下即事

秋風席帽南歸客畱滯河津頭欲白閘門東溜似
崩雲管蒯維舟如挽石市虎眈眈橫索錢來把篙
師鞭馬策誰家青雀到河濱鼓吹喧闐還竟夕縣

令侵晨負弩行浩蕩開關從所適小舟蟻聚已多
時胡爲偏作書生厄吾聞殷制譏不征周官掌貨
非取盈況今聖主下明詔舟車減算寬商氓爾
曹告緡亦何益更且趙壹囊無贏道傍聞者皆大
笑書生矢口談王道從來漢法佐軍貲豈爲秋官
徒禁暴君不見公孫白馬能談天身無符傳何由
前

野閣

野閣宜登望人家靄夕矚河從衛水合縣白魏時
分遠樹疑侵漢危檣似拂雲明朝應解纜前路狎

鷗羣

東昌

片帆下土橋言瞻東昌樹東昌本劇郡自昔列征
戍明初燕師興景隆特庸孺謬當大將旗棄甲乃
無數時王頗輕敵提兵聊攝路嚴冬十二月進與
盛庸遇庸軍背城陣火器如雲布肉薄多被傷內
外那及顧平安復益兵血戰一何怒圍王幾數重
刃接不容步幸獲朱能援潰圍始北度是役亡驍
將指張玉也燕軍爲恟懼錯迂廟堂謀無殺叔父諭我
來弔戰場淒淒值暮雨四野寒蛩鳴似爲髑髏訴

悲哉興亡跡天壤信多故

周子醉後歌

日斜帆落張秋口沽得壚邊十千酒周郎見之興
飛揚白眼看天傾大斗須臾沉醉發狂態笑殺傍
人齊拍手頭上欹斜折角巾嬉罵忽擲河之濱嵇
生箕踞阮生嘯今也千載成三人沆瀣篷窗夜濤
綠倒浸銀河瀉碧玉渾疑此水變葡萄猶說連朝
苦不足坐中陸生五十餘酡顏善唱關山曲笛聲
寥亮入秋雲岼葉吟風下林木周郎一聽那肯休
更拂殘盃對紅燭

舟行望安山湖

萬頃秋光白長湖浸碧天晚雲孤鷺遠新月片帆
懸客路情何極征衫日已穿無聊對佳勝倚醉且
詩篇

南旺

水脊分南北天儲巧灌輸無煩浮渤海容易達雲
艫絕濟還資汶疏泉更引湖至今遺澤溥祠廟奠
清酤

夜同周子作

淒落悲秋氣羈棲見客心水鷗寒作伴戍鼓夜難

禁漁艇浮燈遠長湖受月深勞歌相贈荅寂莫少
知音

汶上

扁舟汶上湖光清鷓鴣鴈相飛鳴漁郎撥荇自
深處網得湖魚蕩槳迎

其二

湖魚撥刺不論錢舉網終朝恰滿船歸客月來無
美味未經入饌口流涎

其三

舟中有魚已可口况剩滄州數升酒一人兩人斟

酌之對月鳴鳴同擊缶

其四

東方月上滿湖光
水拍長天點雁行
除却浮名無限樂
青山輸與捕魚郎

望蜀山湖

湖心一點蜀山青
淼淼波光似洞庭
我欲垂槎浮碧漢
不知何處覓雙星

馬場湖道中

百泉來泰岳雲壑繞千重
到此成湖濶分流會瀆
宗汪洋涵日月寂莫冷魚龍
一棹侵晨發波心聞

曉鐘

遊南池同周子

扁舟南旺來湖光搖萬頃破浪多北風爰達任城
境任城已廢今爲州漕渠天井關咽喉舳艫銜尾
客行滯角巾閒步南池幽南池之名蓋自古少陵
天寶游齊魯溝洫城隅進小船白露青氍毹主簿
我今作客九秋天滿池高柳猶含烟鳴蟬抱葉荷
菱老還看洗馬搖清泉唐時臺沼寧即此或者好
事穿鑿相流傳可知山川風月本無定勝跡垂久
緣名賢吾生不遇苦飄泊東道無主囊無錢一杯

濁酒聊共酌漫吟詩句南池邊

孤亭

濟北南池古垂楊繞郭青人烟圍綠水睥睨壓孤
亭蓮倒霜前葉碑殘亂後銘詩篇畱杜老千載到
雲汀

登太白酒樓

城上嵯峨太白樓雕甍粉堞俯雄州亂山雲樹窗
中翠萬里帆檣檻外流詞藻何人傳異代乾坤縱
酒繫窮愁憑高悵望扁舟路敗荻衰楊兩岬秋

太白酒樓歌

太白當年客任城竹溪日日傾杯罌天寶之初游
闕下金鑾召見含朝醒一日沉香開芍藥傾國名
花對春酌梨園舊曲不足聽勅賦新詞競歡樂其
時天子手摩笛龜年絲竹聲清激太真再拜領歌
意供奉恩光真莫敵中官力士掌六宮出納王命
羣趨風太子屏息尚兄事諸王公主稱爲翁白也
乘醉却引足呼令脫靴如侍童世言太白惟嗜酒
酒狂玩世同芻狗我言太白非酒徒巨眼觀人古
未有權璫侔主則藐之却禮汾陽軍伍時世人獨
醒太白醉醒者應爲醉所嗤

泗上夜行次鷹垂韻

泗上孤舟客乾坤道路難關橋侵樹黑星漢拂波
寒澤雁雲沙宿漁燈水市看風帆兼日夜辛苦一
儒冠

出路馬湖口

河經秦豫從南徙山左諸泉更北來清濁合流喧
日夜帆檣銜尾動風雷淇園竹盡將何策賈讓書
存未易裁獨放孤舟凌萬頃神鴉舞處曉雲開
與周子

童稚論交已十年江亭坦腹更相憐漫遊薊北霜

初落纔到淮南月又圓
袞袞濁河千里曲蕭蕭白
雁九秋天中流擊楫非無意
每聽雞聲半不眠

孟冬

孟冬陰雲天地塞十日舟行五日黑
沙渚茫茫老鷓鴣叫波濤滾滾黃河直
畚鍤鳴鉦萬夫走束柳如山喧築口
君不見敝裘黧面東歸客突兀孤篷
越朝夕

瓜洲夜泊

瓜洲古渡狂飈發疾浪魚龍夜出沒
篷窗開眼金焦青萬里長江瀉明月
喧阗几席流灘聲萬師不

眠語三更故鄉屈指尚千里明日先過鐵甕城

京口酒樓

鐵甕潮聲壯登樓萬里風帆檣荆楚接波浪島壘
通落日翻江壁歸雲截海虹塹形原限北斗柄故
臨東六代人文歇三吳襟帶雄把杯心目濶愁思
入秋空

毘陵道中值兄顓士北上因送至雲陽夜別
悵然而賦

扁舟曉日渡江濱兄弟驚看賸角巾客裏乍逢還
乍別秋風俱是異鄉人

其二

秋天萬里動征鞍
來往孤鴻兩地看
莫怪薊門霜雪重
雲陽城上月猶寒

其三

篷窗午夜對淒風
歸去方悲阮籍窮
江上何人還弄笛
離愁偏惹落梅中

其四

燕臺一到好重登
料得相逢舊酒朋
爲道秋風黃葉路
片帆無恙到毘陵

其五

烏啼殘堞不堪聞
水碧天空見夜雲
愛弟自南兄自北
雁行相向月中分

歸來

長缺歸來日
貂裘欲敝時
吾親憐久客
扶杖喜相持
款款談征路
依依問舊知
自朝還至暮
盡室慰離思

其二

吾母倚閭久
風塵望早歸
驚看遊子面
爲浣去時衣
岩笋經冬出
慈烏向晚飛
白華堪志養
不必羨甘肥

其三

親友來相訪花前倒一壺爲言終遠到無事哭窮
途消息江東老依栖海畔夫萬千飛動意對案忽
長吁

其四

半載京華客歸來意若何早凋三徑菊空發五噫
歌開帙蟬魚落褰帷蛛網多草堂須檢校從此臥
山阿

雪後遊鷹垂山園

干將山麓鎖池臺泛雪移舟洞口來玉砌未催欄

藥放銀花先綴礪林開逕環密竹全侵戶石抱微
冰半嚙苔對景羨君稱賦手抽毫余愧惠連才

其二

春來躑躅風塵際今日幽然坐此亭巖徑暖遲花
澹澹檻林烟濕晝冥冥雙峰帶雪衝雲白一水穿
橋濺石青猿鶴山中原有伴移文誰笑草堂靈

其三

纔憑畫閣層林上又轉迴廊小洞幽礪底濤聲三
泖應簾前雪色九峰浮飲醇君已同公瑾發興余
今似子猷莫訝山深寒氣入還宜秉燭夜來遊

其四

敞筵雲氣晚天清
荇帶鱸魚碧磧羹
風磬響從巖寺落
雪巒晴護石樓明
窗松枝老棲歸鶻
堤柳條長待轉鶯
最是子真耕鑿好
簪纓豈易薜蘿情

其五

欽我山居
邀至共飲

園因泥濘經過少
隔屋呼朋把酒卮
觸眼山花風裏墮
蒸巖雲氣檻前移
曲潭冰凍魚行澀
深谷林寒鶴舞遲
景物有餘人寂寞
摩挲石壁醉題詩

其六

園爲故朱
吏部建

憶築名園泖水潯
競誇金谷闢雲林
巖蘿烟拂珠

簾影月榭花交玉洞陰池畔開筵鸚鵡度竹間攜
伎鳳凰吟繁華頓逐東流逝惟見青山自古今

其七

羅立羣峰迴壓門平原烟草尚荒村青山不見歸
吳客白帟難招異代魂

平原村在機山下乃二陸讀書處今周子山園是其地

也濕月嶂雲愁密雨繞林巢鶴唳黃昏當年洛下

聲華盛底似蓴鱸酒一樽

其八

奉懷金山先生

僕射風流實我師棄官買地葺巖池峰浮白雪蘭
臺賦閣擁梅花水部詩驥尾每深千里志爨桐今

愧十年知何緣反滯東山展悵望雲松有所思

王孫遊

寂寂王孫去萋萋芳草生關河青不斷俱是別離情

閨思

抱得朱絲琴臨風彈別鶴愁如江潮生不共江潮落

一尊

蕭蕭栖鳥下蕭蕭虛牖開一尊聊獨寫海上月華來

扁舟

舍南無百里來往一扁舟曉色滄江樹寒潮碧海流
人家沙際斷鷗鳥望邊浮本是隨子適烟波任去畱

溪南別業

溪南營別業數畝一林清好鳥如有識白雲時自生
常攜甕中酒往饁隴頭耕此樂真何極休爭世上名

吾廬

逢迎非夙願合與世人疎山水有餘樂琴樽是故

盧閔知千載事努力十年書倘究天人學良優賦
子虛

漁父

終日滄江上浮家獨往還興隨秋水濶心與白雲
閒放浪蒹葭渚栖遲楊柳灣濁醪傾數斗欹枕聽
潺湲

題農舍

北風已時至雪晴湖上山山家農事畢老幼俱歡
顏牧豕高岡下放犢平蕪間同在桃源內荆扉不
用關

田舍客至

時清有樂郊卜築依十畝南山正當門東江復繞
牖名花滿塍外翠竹匝圃後幽人常自來披襟酌
春酒

山居樂

機雲兩山間高下丘壑美閒攜一卷書獨坐楓林
裏

其二

溯湖千頃白乃在山之下漁歌杳入雲何減滄浪
也

其
三

連山數里竹勁挺大盈把入林不厭深來結遠公
社

橫雲山人集卷之六